

Wenn de Katten nit to Hüs,  
dantsen op denn Desch de Mūs;  
geht de Meister üt de Klass,  
gäw et vör de Blaagen Spass. —  
On ok in de Kenderlehr  
geht et dökker wahn dorher,  
jo, ok in de Kerk sogar  
geht et dann so hott on har. —



Wenn de Pastor noch nit dor  
schnöffelen sej alles nor.  
In de Sakristei sej kieken,  
wor sej wörklech neks te süken,  
stellen sech vör denn Altar,  
klaatern op de Kantsel gar,  
stell'n wij en Pastor sech an,  
on dann kömp dat Spröksken dran:

„Ich bin der Herr Pastor,  
ich pred'ge euch was vor,  
und wenn ich nicht mehr weiter kann,  
dann fange ich von vorne an!“

Grad had en Deern gebroch dat vör,  
duj stoon de Pastor in de Dör. — —  
Sej wor'n sogliks all müskenstell —  
mär onse Deern mät beste Well  
koss nit so gau van'ne Kantsel ronder,  
sös koss beläwen sej en Wonder.  
On so denk stell bej sech dat Wech:  
„t kömp — wij't kömp, ek haal mej dech!“

De Pastor fing nau an te lehren, —  
kenn rechte Andach foon heij bej de Gören,  
sej piessen gar nit rechteg op,  
on keeken nor dij Kantsel rop, —  
mär sej kossen kenn Spierken sien,  
gants müskenstell hiel sech ons Trin.

Mär dor et Wentertid mät Schnee  
an Schun on Klompen — — och herrjeh,  
dor fielen bald: Tapp — tapp, tapp, tapp  
de Dröppels van de Kantsel raff.

Denn Pastor häd dat well gehört,  
mär sech nit wijers dran gestört.  
Heij woss nit, wat vandag wor loss,  
op Gäng heij nit rech kommen koss.  
Dej Blaagen woren nit darbej, —  
on bald liet heij nor Hus gonn sej.

On äs de Pastor ok gegoon,  
koss Trinken endlech ok opstoon.  
Sej kroop gau van de Kantsel neer  
on meent: „Dat wor ens — on nit weer!“

Heinrich Nesbach